

EUGENIO CIRESE

La 'lettricità

PER LA INAUGURAZIONE
DELL'OFFICINA PRIMO
SALTO SOCIETÀ IDRO
ELETTRICA "SCHIOPPO",
MORINO, 13 DICEMBRE 1925

OMAGGIO
DELLA "S.I.E.S."
AL POETA

ROMA
UNIONE ARTI GRAFICHE ABRUZZESI
VIA CAIO MARIO, 3-5

—
1926

Collezione Lucarelli



Te cride ch'è 'na cosa ch'a 'sentirla
iè sficile a capirla;
mentre ca se tu stià tutt'uocchie e 'recchie
a resentì la spiegazona
che me facette iere
lu 'ngegniere,
com'à mastre de scola pe la via,
vide ca la 'struzziona
arecapa le cose
cchiù mbrugliate,
iapra lu cumprendonie de la mente,
tutte te spiega e t'areduce a niente.

Stamme a sentì:

tu mitte qua nu ferre calamita,
e qua ne mitte n'altre;
qua mieze, pe 'na legge cuncepita,
da nu 'ngegne 'taliane cervelléteche,
ze forma il campe dette « malignèteche »,
che iè nu campe d'aria
addó, se tu ci mette
nu ferrucce de rame atturcigliate
e gire e gire a tunne,
quello ze move a forza,
come fusse 'nturzate,
pecchè c'è 'ntrata la 'lettricità
la quale, mentre che gire qua,
da 'st'altra parte zómbene pizelle¹
o sona un campanelle.

Quand'à capite queste, che t'à fatte
l'ome cervellute?
t'à 'nventata 'na rota de turbina
che sotte a l'ufficina
fa 'nze sa quanta gire
dentr'a nu minute.

¹ zómbene pizelle - saltano scintille.

P'ogne gire so tante le pizelle;
e chelle
nu file a cente miglia te l'adducé...
e te dänne la luce.

Ecche pecchè ce serve la cascata:
se l'acqua vatte sule a diece metre
ncopp'a la retrècena,
fa nasce, pe n'esempie, nu cavalle;
ma se ve' balle
da cento metre
com'a chesta che vide,
cente so' l'animale
che, 'ntrate fra le file,
tutt'a nu colpe
ze fänne « uatte » e « volpe ».¹

E doppe, tutta l'acqua
arresce da la fóta
e spuma sgrizza chiacchiaréia e pare
a l'uocchie cchiù cuntenta,
ca dope la fatia
ha retruvata la via
de l'antica currenta,
che porta a lu repuose dentr'a mare.

¹ Per analogia con i *cavalli*, i *watt* e i *wolfs* diventano gatti e volpi.

Tu guarda la putenza
dell'ome scienzeiate!
che sa studià l'assenza
de tutte le filosmeche¹ del ciele
e de la terra, e l'acqua fa passà
'ddó le crape 'nze puonne arrampecà,
e la 'ncanala; e no' pe nu capricce,
ma pe nen farla sperde,
la manna a fa pusà dentr'a nu scòtene,²
o sia fa vacile nu pellicce.³

E 'st'acqua ch'à scurruta
da dope ru delluvie 'niversale
sempre la stessa via
e senza nu pecchè,
ecche ca iéssa pure mó à 'vuta
da n'ome de cervièlle
la desceplina, e corre a la fatia:
prima pe nu canale
camina chiane chiane,
com'a piglià la forza,
può tutt'allampruvvise
ze iètta pe nu tubbe luonghe e funne
e t'alluma ru munne.⁴

¹ filosmeche - fenomeni.

² scòtene - terreno permeabilissimo, trasformato in bacino montano.

³ fa diventare bacinella un crivello.

⁴ illumina il mondo.



Collezione Lucarelli